

Skulane i Sund, Sotra og Bergen-Vest

INNLEGG: Skulestrukturen på Sotra har vore debattet i årevis, og få saker gir større engasjement og debatt. I Sund har politikarane omsider vist handlekraft i forhold til barnetrinnet og vedtatt store endringar. I Fjell har dei også gjort endringar på barnetrinnet, men i langt mindre skala, og fleire endringar må kome. På ungdomstrinnet har Fjell gjort mykje, Sund ingenting på mange tiår. På vidaregåande har Sund kjempa seg til ei lokal avdeling, ikkje alle er like fornøgd med den løysinga.

Klarer politikarane på øyane vest for Bergen å samarbeide, er det moglegheiter for tidenes «bytthandel» som vil virke inn ikkje berre for Sotra, men heile region vest. Men då må politikarane tørre å handle, og det gjeld først og fremst politikarane i Sund, det er nemlig her dei sit med nøkkelen. Fjell, Øygarden, Bergen-vest og Askøy vil alle sjå fordelar med ein ny samla vidaregåande skule i Straume området.

Handelen går ut på at Sund gir frå seg den avdelinga av Sotra VGS som ligg i Sund, som berre tilbyr nokre få linjer. Om Sotra VGS kan bli slått saman til ein samla skule, vil det bli større og betre skolemiljø. Ein ny og samla Sotra VGS vil kunne tilby fleire linjer og større fagmiljø for lærarane. Reisevegen vil også bli kortare for fleirtalet av elvane som bur i regionen, og skulen vil tiltrekke seg endå fleire lokale elevar. Ein samla skule er noko som er sterkt ynskt av administrasjonen i Sotra VGS og av Fjell kommune. Fylkespolitikarane, som også ynskjer færre og større einingar, vil nok

seie ja til dette om kommunane vest for Sotrabrua blir einige.

Dersom politikarane i Sund tar dette initiativet, vil fylket kunne tilby Sund kommune ein nesten ny skulebygning, som kan erstatte den 60 år gamle utrangerte og i dag feilplasserte Sund ungdomsskule. Prisen blir dei sikkert einige om, og uansett er nok dette Sund si einaste realistiske moglegheit til å få på plass ein ny ungdomsskule dei neste tiåra.

Med ein ny stor vidaregåande skule på Straume vil Fjell-politikarene bli passe møre og vil nok ganske fort stå klar med ei løysing rundt grunnskulen i Søre Fjell som kan utløse Barneskule nr 3 i Sund. Det vil seie den som var planlagt i Spildepollen vest i Sund. Ein skule dei aller fleste i Sund ynskjer seg, men som dei ikkje har råd til. For Fjell betyr løysinga at dei kan leggje ned Tellnes skule og flytta elevane som går der til ein utvida Skogsvåg skule. Ei slik løysing vil og medføra at Fjell kommune

Ønskjer å samla
Sotra vidaregående



Kjem til å kjempe imot

Vestnytt 21.04.12

må bidra til utbygging og drift av Skogsvåg skule i Sund.

Så Ove, før du forsvinn på Stortinget, ta tak i dette og få på plass ei løysning som dei fleste i region vest vil synast er fornuftig og framtidsretta, og vil bli den beste løysinga for fleirtalet. Rett nok er det eit stort prestisjenederlag for Sund å gje frå seg vidaregåande i Sund, men med betre løysningar for både Barneskulane, ungdomsskule og vidaregåande skule, bør valet vera enkelt.

Lisa Methlie Sangolt
sundsokning og elev på
Sotra VGS avdeling Sund